

## ՃԱՐՏԱՐԱՊԵՏԱԿԱՆ ՀԱՐԴԱՐԱՆՔԻ ՆՄՈՒՇՆԵՐ ՏԻԿՆՈՒՆԻ ԱՄՐՈՑԻՑ

Ա. Ս. ԺԱՄԿՈՉՅԱՆ

Մինչև վերջերս գիտության մեջ տիրապետող էր այն կարծիքը, թե մոնղոլների 1236 թ. արշավանքով հիմնադրատակ ավերվեցին Հայաստանի ծաղկուն քաղաքները, այդ թվում նաև Դվինը<sup>1</sup>։

Սակայն վերջին տարիների պեղումները միջնադարյան բնակավայրերում՝ Դվինի միջնաբերդի հարավային բուրգի, Տիկնունի ամրոցի և քաղաքի այլ հատվածներում, ցույց են տալիս, որ կյանքը այնտեղ շարունակվել է նաև հետմոնղոլական շրջանում, որը և հնարավորություն է ընձեռում վերստին անդրադառնալու այդ խնդրին և որոշ հարցեր դիտել նոր տեսանկյունով։ Նյութի խորազնին քննությունից պարզվում է, որ թեպետ մոնղոլների տիրապետության ժամանակ Դվինը կորցրեց հզոր քաղաքի փայլն ու նշանակությունը, բայց իբրև բնակավայր պահպանեց իր գոյությունը<sup>2</sup>։

Հարցի ուսումնասիրության համար հետաքրքիր են մոնղոլական շրջանից պահպանված վիճակաճարձանագրությունները, գրավոր աղբյուրները և մասնավորապես հնագիտական նյութը։ Այսպես, հանրահայտ է, որ մոնղոլական տիրապետության ժամանակ Օրբելյաններն իրենց վարած ճկուն քաղաքականության շնորհիվ կարողացան լինել ոչ միայն Սյունիքը պահել իրենց ձեռքին, այլև, ընդարձակ տարածություններ գրավելով, նվաճել անգամ Գառնին և Դվինը։ Դարաբասի (նախկինում՝ Ըզուերծ) ս. Աստվածածին եկեղեցու պատին փորագրված 1273 թ. արձանագրության մեջ «Բարոն» Տարսայիճը իրեն հռչակում է «Կողմնակալ յայսմ նահանգի՝ Սիւնեաց... Ի Բարկուշատայ մինչև ի դաշտն Դվնայ»<sup>3</sup>։ Օշականի XIV դ. արձանագրության մեջ հիշատակվում է ոմն դվինցի. «ԹՎ 964 Կ Գաւաղոնս (գաւազոն) Դվինցի կանգնեցի սուրբ նշանս Բարեխաւս դատեր իմոյ նաւուզին, որ փոխեցաւ ի Քրիստոս»<sup>4</sup>։

Դվինի բնակավայրի գոյության և նյութական մշակույթի ուսումնասիրության համար էստրոնգ են շրջանները, որոնք հայտնաբերվել են միջնաբերդի արևմտյան լանջի 1981—1982 թթ. պեղումների ժամանակ (1247 թ. պատկանել են Դավիթ Ուլու թագավորին, գտնվել են հարավային բուրգի շրջանում, 60 սմ խորությունից)։ Հետաքրքիր է միջնաբերդի ջնարակած և հախճապակե խեցեղենի ոչ մեծ հավաքածուն, որը ամենավերին XIII դ. երկրորդ կեսի շերտերից է և ունի իր անմիջական զուգահեռները համաժամանակյա հայկական այլ կենտրոններում՝ Անիում, Սպիտակում, Հառիճում, Լոռի Բերդում, Գառնիում, Մարմաշենում, Սառնաղբյուրում և Վրաստանի


1 Կ. Գ. Ղաֆադարյան, Դվին քաղաքը և նրա պեղումները, Երևան, 1952, էջ 263; Բ. Ն. Առաքելյան, Քաղաքները և արհեստները Հայաստանում IX—XIII դդ., հ. 2, Երևան, 1964, էջ 84։

2 Այդ առիթով Ա. Քալանթարյանը դրում է. «Սակայն այն տեսակետը, թե Դվինը դադարել է գոյություն ունենալ անմիջապես մոնղոլների արշավանքից հետո, քիչ հավանական է։ Ճարտարապետական մնացորդները և հնագիտական նյութերը ցույց են տալիս, որ քաղաքում կյանքը շարունակվել է ևս մի քանի տասնամյակ և, ըստ երևույթին, այն պատմական ասպարեզից դուրս է եկել XIII դ. 50—60-ական թվականներին [տե՛ս Ա. Ա. Քալանթարյան, Դվինի 1981—1982 թթ. պեղումների արդյունքները (ՀՍՍՀ ԳԱ կրթության հասարակական գիտությունների, 1986, № 3, էջ 92)]։

3 Տե՛ս Դիվան հայ վիճագրության, հ. 2, Երևան, 1960, էջ 114։

4 Ղ. Ալիշան, Այրարատ, Վենետիկ, 1890, էջ 191։

միջնադարյան հնավայրերում<sup>5</sup>։ Խոսքը վերաբերում է փորագիր եղանակով մշակված բազմազույն անոթներին, որոնք հարդարված են մարդու, կենդանիների և երկրաշափական պատկերներով (տախտ. II, նկ. 22)։ Շատ զեպ-




Տախտակ I:

քերում հիշյալ խեցեղենը ակնհայտ ընդհանրություններ ունի Մերձավոր արևելքի տվյալ երկրներում տարածված զարդաձևերի մանրամասների հետ, բայց հիմնականում տիրապետողը կերպավորման տեղական ավանդական ոճն է։

<sup>5</sup> М. И. Мицишвили, Производство поливной керамики средневекового Тбилиси, Тбилиси, 1979, табл. XXIX, XXX.



Հայաստանի քաղաքական կյանքի անկումը XIII դ. վերջին և XIV դ., անկասկած, իր արտահայտությունն է գտել նաև տնտեսական ոլորտում: Ինչ խոսք, արհեստավորները ստեղծագործական նոր որոնումների շնորհիվ կարողացան մշակել մատչելի հնարներով գեղարվեստական նրբաճաշակ առար-



Տախտակ II:

կաներ ստանալու եղանակները, բայց արտադրության ընդհանուր անկումային միտումը ակնառու էր: Հախճապակու առավել տարածուն և գործածական տիպը, ինչպես հրկում է, մուգ կապույտ երանգով (կոբալտով) ենթաջնարակային եղանակով մշակված անոթներն էին, հիմնականում բուսական կամ

երկրաշարժական զարդերով: Խեցեղենի այդօրինակ նմուշները հայտնի են Գառնիում, Ամբերդում, Անիում<sup>6</sup>, Դվինի հարավային բուրգի տարածքում և Տիկնունի ամրոցի XIII—XIV դդ. շերտերում բազմաբնույթ հախճապների հետ<sup>7</sup> (տախտ. I, նկ. 23, տախտ. II, նկ. 21, 21ա):

Դվինի ջուրջ 50-ամյա պեղումները ի հայտ են բերել աշխարհիկ ճարտարապետական շինությունները հարդարելու բազմաթիվ առարկաներ՝ ձուլածո գիպսեր, տեղադրվածներ, որմնակարներ և այլն: Հախճապների բացակայությունը շենքերի հարդարման մեջ մինչև օրս, զարմանալիորեն, մնում է անբացատրելի: Անկասկած, քաղաքի, որը պատմական, առևտրական և մշակութային բազմապիսի թելերով կապված է Մերձավոր արևելքի այլ երկրների՝ հատկապես Պարսկաստանի հետ, բնակարանների հարդարման անբաժան մասը պիտի կազմեր շաղկուսը, այն է՝ շողուն տեսակը: Զ. Օրբելու և Ա. Յակոբսոնի<sup>8</sup> ժամանակին հայտնած այն տեսակետը, թե մուսուլմանական աշխարհին բնորոշ կիրառական արվեստի այս բնագավառի ակունքները պետք է որոնել հայկական միջավայրում, միանգամայն օրինալի է, երբ դիտարկում ենք XI դ. հայկական կոթողներում խաչածեղ, բազմանկյուն և աստղաձև քանդակների զուտ հայկական նկարագիրը<sup>9</sup>: Սակայն XIII—XIV դդ. այս երևույթը քիչ այլ կերպ ենք բացատրում: Հայաստանն այդ դարերում, կոթողներով իր պետականությունը, բնականաբար, ենթարկվեց օտարամուտ ճաշակին, որն առաջին հերթին արտահայտվեց աշխարհիկ շինությունների հարդարմանում՝ հայկական միջավայրին և գեղագիտական ճաշակին միանգամայն խորթ հախճապների լայն գործածությամբ: 1984 թ. Դվինից հյուսիս գտնվող Տիկնունի ամրոցի պեղումների ժամանակ հայտնաբերվել է հարուստ տեսականիով ներկայացված հախճապների մի մեծ ժողովածու<sup>10</sup>: Ամրոցի հիմնադրման և գոյատևման մասին մեր գիտելիքները, առհասարակ, կցկուտր են: Առաջին հիշատակությունը կապվում է նոսրով Կոտակ թագավորի կողմից Աղակունքների նստոցը Արտաշատից Դվին տեղափոխելու հետ, IV դ. 30-ական թվականներին<sup>10</sup>:

Մյուս վկայությունը կապվում է Մուհամեդ Իրն Շեդդատի՝ Դվինում հաստատվելու և նրա փողմից Տիկնունիում շինարարական գործունեությունն ծավալելու հետ. «Իսկ Մուհամեդ Իրն Շադգատ հաղթական վերադարձավ Դաբիլ» (Դվին) քաղաքը և օգնություն խնդրեց բնակչությունից, ստեղծելու քա-

<sup>6</sup> Ա. Ս. Ժամակոյան, Միջնադարյան Հայաստանի հախճապակին IX—XIV դդ. (Հայաստանի հնագիտական հաշարմանները 10, Միջնադարյան հաշարմաններ, պր. 3, Երևան, 1981, էջ 126, աղ. 9, Ֆ 2, 3, 5, 6, 7, 8), Զ. Պետրոսյան, Գառնի ենթաշինարարային նկարագրողով խեցեղենը [Պատմա-բանասիրական հանգես (այսուհետև ՊՐՀ), 1982, Ֆ 4, նկ. 1, 2]:

<sup>7</sup> Հնդհանրապես, վերահիշյալ խեցեղենը լայն տարածում գտավ մոնղոլական տիրապետության ընդարձակ տարածքի բոլոր այն երկրներում, որոնք ունեին մշակութային հին ավանդներ, իսկ նկատելի որակական տարբերությունները պայմանավորված էին սոսկ տեղական հումքի առկայությամբ և վարպետների անհատական մասնագիտական հմտությամբ: Ուսումնասիրվող ժամանակաշրջանի մշակութային պատկերն ամբողջացնելու առումով զգալի նշանակություն են ձեռք բերում Տիկնունի ամրոցի պեղումներից հայտնաբերված ճարտարապետական հարդարանքի մնացորդները:

<sup>8</sup> И. А. Орбели, Мусульманские изразцы (Избранные труды, Ереван, 1963, с. 262); А. Л. Якобсон, Очерки истории зодчества Армении V—XVIII вв., М.—Л., 1950, с. 99.

<sup>9</sup> Հախճապները այնքան լայն գործածություն ունեցան, որ տեղադրված էին անգամ հեթանոս շինություններում (տե՛ս Ա. Ժամակոյան, նշվ. աղբ., էջ 129, Ա. Ժամակոյան, Ա. Փալանթարյան, Նովարդի ա. Աստվածածին եկեղեցու հախճապները (ՊՐՀ, 1971, Ֆ 4, էջ 277—281)):

<sup>10</sup> Պեղումները կատարել է Դվինի արշավախմբի մի ջոկատը Զ. Եսայանի ղեկավարությամբ:

<sup>10</sup> Փալանթարյան Բիւզանդական Պատմություն Հայոց, Վենետիկ, 1933, էջ 29—30:



զաքին մոտիկ մի այնպիսի վայր, որտեղ կապաստանին իր մարդիկ և իրենց երեխաները, երբ լեզգիների կողմից սպառնալիք լինելու Ծվ նրան օգնեց քաղաքի ժողովուրդը: Ծվ նա նրանց օգնությամբ կառուցեց ք. ամրոց և այն անվանեց «Մրջունի բլուր» և այնտեղ տեղափոխեց իր ընտանիքը: Սա գտնվում է Դարբիլից ձայնընկեցի հեռավորության վրա»<sup>11</sup>: Այս փաստից ելնելով, Ա. Տեր-Ղևոնդյանը հիշյալ ամրոցը համարում է Տիկնունին, որին միանգամայն համակարծիք ենք<sup>12</sup>:

Ամրոցի հետագա ճակատագրի վերաբերյալ գաղափար ենք կազմում սոսկ հնագիտական նյութերով և տեղում պահպանված ճարտարապետական մնացորդներով: Ամենայն հավանականությամբ, ամրոցը Խոնդունիյի տիրապետության ժամանակ կառուցապատվել է նոր, այնպիսի շինություններով, որոնց հարդարանքի անբաժան մասը կազմել են հախճապներն ու գիպսե զարդերը: Հանրահայտ է, որ Հայաստանի մոնղոլական տիրապետության շրջանի աշխարհիկ շինարարական կառույցներն առ այսօր ուսումնասիրված չեն: Մասնակի հիշատակություններ կան Կիրակոս Գանձակեցու երկում: Մատենադարձը տվյալ ժամանակաշրջանի կենցաղի հարցեր շոշափելիս հպանցիկ տեղորոշում է նաև կառույցների ներքին և արտաքին հարդարանքին, ինչպես՝ «Այլ և տունս մեծամեծս կոռց շինեաց՝ անդր գոմարեալ զամենայն արուեստավորս, քարանց և փայտից և նկարուց...»<sup>13</sup>: Մեկ այլ տեղում կարդում ենք. «Վասն որոյ զտաճար կոռց նոցա առավել մեծարգի յարդարէր»<sup>14</sup>:

Մատենադարձը շատ ավելի պատկերավոր է նկարագրում Օրբելյանների մասնակցությունը Հոլավու խանի ամառանոց-նստոցի՝ Դարան դաշտի շինարարությանը, որով հստակ են դառնում մոնղոլների աշխարհիկ շինարարական գործունեության որոշ դրվագներ<sup>15</sup>: Մեր տրամադրության տակ եղած նյութը հախճապների բեկորներ են, որոնք հանդես են գալիս հարուստ տեսականորեն և զուգահեռներ ունեն մերձվուզյան (Սարայ-Բերկե, Սարայ Բաթու), միջինասիական (Ուրդենյ) և Փայտակարանի համաժամանակյա մշակույթում: Մի քանի տասնյակների հասնող բազմանկյուն, աստղաձև և այլ տիպի շքաղյուսներին բնորոշ են կոբալտի խիտ ու մեղմ երանգները կամ փիրուզագույնը, որոնք ընդհանուր խճանկարում ստեղծում են գեղեցիկ ու պայծառ մի գունաշար: Հիշենք, որ XII—XIII դդ. Իրանում և Մերձավոր Արևելքի այլ երկրներում հախճապները լայն կիրառություն ունեին, և սյուլ-ժետային ու դեկորատիվ դարձերը արվում էին հիմնականում շողուն ջնարակով<sup>16</sup>: Կոբալտի գործածությունը հախճապակու արտադրության մեջ հայտնի է IX դ., բայց իբրև նոր գունաճ լայնորեն տարածվեց XII—XIII դդ. ու այնուհետև տիրապետող դարձավ XVIII դ.: Ոմանք այս փոփոխությունը բացատրում են տեխնոլոգիական պատճառներով: Այդ տեսակետի համաձայն XIII դ. երկրորդ կեսից, երբ կառուցելի և դաշտային շկատի խառնուրդից ստացվեց նոր խեցի, ալկալիական ջնարակների գործածությունը, շատ ավելի նպատակահարմար դարձավ, քանի որ խնայող միջոցներով ստացվում էին ճոխ, հստակ զարդերով գեղեցիկ անոթներ<sup>17</sup>: Այս պատճառաբանությունը միանգամայն հիմնավորված է, ավելացնենք միայն, որ կապույտը մոնղոլական

<sup>11</sup> V. Minorsky. Studies in Caucasian history. London, 1953. Arabic text, p. 1.

<sup>12</sup> Տե՛ս Ա. Տեր-Ղևոնդյան, Արաբական ամիրությունները Բագրատունյաց Հայաստանում, Երևան, 1965, էջ 167:

<sup>13</sup> Կիրակոս Գանձակեցի, Պատմութիւն Հայոց, աշխատասիրությամբ Կ. Մելիք-Յանջանյանի, Երևան, 1961, էջ 39:

<sup>14</sup> Նույն տեղում:

<sup>15</sup> Նույն տեղում, էջ 296:

<sup>16</sup> Տե՛ս M. Bahrami, La reconstruction de car et ux de Damghan d'après leurs inscriptions (Конгресс по иранск му искусству и археологии, М.—Л., 1939, p. 18, pl. XVI).

<sup>17</sup> Э. Саїко, Среднеазиатская глазурированная керамика XII—XV вв., Душанбе, 1969, с. 119.

հավատալիքներում արտահայտում էր հավիտենական երկնքի գաղափարը<sup>18</sup>։ Չպետք է անտեսել և այն, որ կապույտը մոնղոլական իշխանության խորհրդանշան էր, որովհետև Քաթու խանի տիրապետության սահմաններն անվանում էին Ակ Օրդա (Սպիտակ Օրդա), իսկ նրա հպատակները Քոթ Օրդա (Կապույտ Օրդա)<sup>19</sup>։ Հիշենք նաև, որ մոնղոլներն իրենց ընդարձակ տիրապետության սահմանները բաժանել էին աշխարհագրական տարածքների, յուրաքանչյուրին հատկացնելով գունային մի որոշակիություն։ Այդ սկզբունքի համաձայն Արևելքը հիշատակվում է կապույտ երանգով<sup>20</sup>։ Եվ վերջապես, կապույտն ու սևը ամեն տեսակ լուսավորության դեպքում կայուն պահպանում էին իրենց ներդաշնակ երանգները։

Ուսումնասիրվող հախճապները արտաքին ձևերով և հարդարման առանձնահատկություններով բաժանվում են մի քանի խմբերի.

ա) Առաջին խումբը կազմում են բաց երկնագույն, ուռուցիկ զարդա-ձևերով հախճապները (աստղեր, ծաղիկներ, երկրաչափական պատկերներ), որոնց հարդարանքը արվում էր թաց խեցու վրա՝ համապատասխան դրոշմակնիքների միջոցով, ապա ջնարակելուց հետո թրծվում։ Այդպիսի հախճապներ հայտնի են ինչպես Ոսկե Հորդայի, այնպես էլ Գառնիի պեղումներից<sup>21</sup> (տախտ. I, նկ. 2, 2ա, 2բ)։

բ) Երկրորդ խմբի հախճապները ուղղանկյուն տախտակներ են, որոնցով ձևավորվել է վերին երիզազարդը։ Պահպանված բեկորները մշակված են սպիտակ, մանիշակագույն, կապույտ և այլ աշխույժ երանգներով։

Ջարդերի մեջ տիրապետող են հանգուցները, գալարապտույտները, ճոխ ուստերն ու կիսաշրջանաձև աղեղները, որոնք բնության իրական սլափերի ռեալիզմով հարմարաչափություններն են՝ ամփոփված մի ամբողջական համակարգում։ Այս զարդամոտիվները կրկնողության ռիթմին շնչ են հնթարկվում, այլ զարդանում են՝ պայմանավորված առարկայի ազատ տարածության հարավորություններով (տախտ. I, նկ. 1)։ Երբեմն զարդերը հանդես են գալիս հնուց ծանոթ հորինվածքների նորովի մշակումների տեսքով։ Իհարկե, այդ պարագայում նկարազարդող վարպետը երբեք չէր մոռանում կանոնիկ և դեկորատիվ զարդերին հաղորդել ժամանակի դեղագիտական ճաշակի շունչը։

գ) Ճոխ են ներկայացված բաղմանկյուն, առղաձև այն հախճապները, որոնք մշակված են ենթաջնարակային եղանակով։ Ջարդերի մեջ տիրապետողը բուսական, երկրաչափական պատկերներն են և արձանագրությունները, որոնք բոլորում են՝ առարկայի եզրերը լայն կամ նեղ ժապավենի տեսքով (տախտ. I, նկ. 5, 5ա, 20, 20բ, գ, դ, ե, զ)։ Արձանագրությունները հիմնականում արված են կրկնակի եզրագծերով, թեև կան ձեռագրատիպ ոճով հիշատակություններ։ Հախճապների գեղարվեստական ձևավորման մանրակրկիտ ուսումնասիրությունը արևելագետ Լ. Գյուզալյանին հանգեցրել է այն եզրակացության, որ շատ դեպքերում նկարիչ վարպետը, բանասիրական կցկտուր գիտելիքներ ունենալով, առարկայի վրա արձանադրում էր իր հիշողության մեջ պահպանված գեղարվեստական ստեղծագործության որևէ հատվածը կամ տողը, որը հաճախ ստացվում էր անկապ մի արտահայտություն և չէր համապատասխանում պատկերի բովանդակությանը<sup>22</sup>։ Սա, իհարկե,

<sup>18</sup> Տե՛ս Լ. Բարայան, Հայաստանի սոցիալ-տնտեսական և քաղաքական պատմությունը XIII—XIV դդ. Երևան, 1964, էջ 144։

<sup>19</sup> В. Л. Егоров, Историческая география Золотой Орды в XIII—XIV вв., М., 1985, с. 160.

<sup>20</sup> Р. Г. Кузнев, Происхождение башкирского народа, М., 1974, с. 81.

<sup>21</sup> Л. Л. Галкин, Несколько изразцов из Селитренного городища [Советская археология (այսուհետև՝ СА, 1968, № 3, с. 242, табл. 1, фиг. 3)]. Ա. Ժամկոչյանի նշվ. աշխ., էջ 133։

<sup>22</sup> Л. Т. Гюзальян, Иранские изразцы на барабанах храма в Егварде (ՊՁՀ, 1984, № 2, էջ 133)։



շուկայական մեծ պահանջարկից բխող երևույթ էր, որը գուցե վերաբերում էր նաև Տիկնունիում հայտնաբերված վերոհիշյալ հախճաասալերին: Այնուհանդերձ, արձանագրությունների նպատակն էր տվյալ սրահում ստեղծել ղվարթ տրամադրություն:

զ) Շքաղյուսների այս խմբի համար ևս հատկանշական է բուսական զարդամոտիվը, բայց նախորդի բարդ կոմպոզիցիաները միանգամից անհետանում են: Նկատելի են նոսր ծաղկազարդ մոտիվներ կամ տերևափնջեր և պարզ զարդերից զուրկ եզրագոտիներ: Մաղիկների մեծ մասը վերադարձված է ծավալուն շքաղյուսի ողջ դաշտով մեկ և օժտված ճոխ ծաղկաթերթերով ու ամուր ուղղաձիգ ցողունով: Քիչ չեն նաև այն ծաղկազարդ և տերևազարդ մոտիվները, որոնք պատկերվում են եռաճյուղ աղեղների մեջ. կամ աստղաձև զարդի թևերին: Ընդհանուր առմամբ շքաղյուսները հարդարող հիմնական մոտիվը տերևն է, որը ստեղծագործող վարպետի վառ երևակայությամբ վերածվում է բազում հորինվածքների (տախտ. I, նկ. 3, 3ա, 4, 7): Մաղկազարդ շքաղյուսների որոշ նմուշներ կրում են կրկնակի կամարների մեջ ծաղկաշղթայաձև բուսադարձերի հետաքրքիր լուծումներ, ուր դարձյալ հիմնական կրկնվող մոտիվը եռաթերթ ծաղիկն ու պարզ տերևն են: Պատկերի ընդհանուր աշխուժությունը ստացվում էր ղվարթ երանգների կիրառությամբ (տախտ. I, նկ. 5, 5ա, 6):

ե) Գեղարվեստական յուրովի ձևավորում ունեն «տառվի» կոչված հախճաասալերը: Շեղանկյուն այլ հախճաասալերի համադրությամբ դրանք տեղադրվում էին տախտակադրվագի որոշակի հատվածում և գույների ներդաշնակ խաղով աշխուժացնում խճանկարի միապաղաղությունը (տախտ. II, նկ. 16):

զ) Հախճաասալերի մի այլ խումբ հանդես է գալիս քառանկյունի սալերի տեսքով, որոնց միացումից ստեղծվում էին բազմանկյուն հետաքրքիր պատկերներ (տախտ. II, նկ. 17):

է) Շքաղյուսների մի այլ խմբի հորինվածքը ուղղանկյուն թևերով աստղի ձև ունի և ամբողջանում է թևերի համաչափ ուղղանկյան մեջտեղը սուրանկյուն երկու սալիկների միացումից (տախտ. II, նկ. 10, 19): Հախճաասալերի այս բազմազանության մեջ առանձնանում են երկրաչափական ձևավոր ձողիկներ, ծաղիկներ, որոնք Գիրեխի\* (տախտ. II, նկ. 12, 13, 14, 15) հորինվածքային սկզբունքով ստեղծում էին մի նոր առանձնահատուկ խճապատկեր: Նմանատիպ տախտակադրվագների բեկորներ են հայտնաբերվել Ոսկե Հորդայի, Փայտակարանի և միջինասիական XIII—XIV դդ. հուշարձաններում և շատ դեպքերում վերականգնվել են<sup>23</sup>:

Ձևավոր ձողիկներով կառուցված տախտակադրվագները տեխնիկապես շատ աշխատատար էին, ուստի ճարտարապետական հարդարանքի այսպիսի ձևերը կիրառական այն լայն ասպարեզը չունեցան, ինչպես սովորական հախճաասալերը:

Ընդհանրացնելով, ասենք, որ Տիկնունիում առկա էին երկու տիպի տախտակադրվագներ՝ հախճաասալերով և ձևավոր ձողիկներով հորինված (աղ. I, գծ. 1):

Արդ, որտե՞ղ են պատրաստվել Տիկնունու հախճաասալերը: Ոսկե Հորդայում նույնատիպ հախճաասալերը ընդունվում են իբրև խորեզմից և Ուրդենլից ներմուծված: Այս կարծիքը մեծապես հենվում է այն իրողության վրա, որ երկու հնավայրերի հախճաասալերն աչքի են ընկնում չափազանց մեծ նմանությամբ: Բացի այդ, մերձվրդյան շրջանները մինչև մոնղոլների արշավանքները գրեթե զուրկ էին խեցեգործական ավանդույթներից<sup>24</sup>:


\* Գիրեխը երկրաչափական պատկերից միահյուսված բարդ զարդաձև է (տե՛ս Н. А. Саркисов. Архитектурная керамика Азербайджана (автореферат канд. дисс., Л., 1965, с. 17)).

<sup>23</sup> А. С. Воскресенский. Полихромные майолики Золотоордынского Полюжья (СА. 1967, № 2, табл. 1, рис. 10, с. 86—87).

<sup>24</sup> Г. А. Феодоров-Давыдов, Общественный строй Золотой Орды, М., 1973,

Հայաստանը հախճապարի ներմուծելու անհրաժեշտություն չունի, քանի որ հնուց երկրում հայտնի էին հումքի հարուստ պաշարներ, իսկ արհեստագործությունը բարձր մակարդակի էր:

Ավելացնենք, որ մոնղոլները նվաճված երկրներում գիտակցական վե-




Չ 1

Աղ. 1:

с. 77; Т. В. Скоробогатова, Одна из групп золотоордынской художественной керамики XIV в., (СА, 1983, № 2, с. 93).



րաբերմունք էին ցուցաբերում հատկապես արհեստավորների հանդեպ: Այդ մասին աղբյուրներում պահպանվել են հավաստի փաստեր: Այսպես, օրինակ, Մերվը (Միշին Ասիա) նվաճելուց հետո մոնղոլները բնաջնջեցին ողջ բնակչությունը՝ բացառությամբ 400 արհեստավորի և նրեխանների<sup>25</sup>: Մոնղոլների տիրապետության ժամանակ արհեստավորների նյութական, բարոյական և իրավական վիճակի մասին ավելի ստույգ տեղեկություններ են հաղորդում Պլանո Կարպինին և Ռուբրուկը՝ նկարագրելով հատկապես քաղաքներում բնակվող արհեստավորների կենցաղն ու նրանց զբաղեցրած դիրքը<sup>26</sup>: Պետք է մտածել, որ հայկական միջավայրում արհեստավորները ևս զուրկ չէին որոշակի իրավունքներից:



ՊՅ. 1:

0 20

Գառնիում տվյալ ժամանակաշրջանի հախճասալերը ուսումնասիրված են<sup>27</sup>, և Տիկնունի ամրոցից հայտնաբերված օրինակների հետ համեմատությունը ալեհայտ է դարձնում գունաշարի մեծ ընդհանրությունը, թեպետ զարդերի և արտաքին ձևավորման տարբերությունը զգալի է: Հետևաբար, կարելի է ասել, որ ուսումնասիրվող ժամանակաշրջանում գործում էին առաջմ մեղ հայտնի խցեգործական երկու օջախներ՝ Գառնիում և Տիկնունիում:

Տիկնունիում հայտնաբերված ճարտարապետական հարդարանքի մյուս տեսականին ձուլածո գիպսերն են, որոնք հայտնաբերվել են բեկորային վիճակում: Որոշակի կանոնիկ սկզբունքով փորագրված տառերը գեղարվեստական հետաքրքիր լուծում ունեն և շատ նման են այդ առումով Դվինի կենտրոնական թաղամասի X դ. շերտից գտնված գիպսի նյութերին (սակարն տառերը փորագրված են լայն գծերով, հավասար բարձրությամբ և միանգամայն համապատասխանում են XIII—XIV դդ. գրելաոճին)<sup>28</sup> (տախտ. II, նկ. 23, ա, բ, գ, դ): Գիպսի զարդերից մեկի վրա փորագրված է եռաթեթ կակաչ հիշեցնող մի նուրբ ծաղիկ (տախտ. II, նկ. 18), որի նմանակը հանդիպում է ձևավոր ծաղկազարդերով հախճասալերի օրինակներում (տախտ. II, նկ. 11): Զարգամոտիվային այս մանրամասնը հաստատում է գիպսի զարդերի ու հախճասալերի համաժամանակյա (XIII—XIV դդ.) նյութեր լինելու հանգամանքը:

Հետախուզական պեղումները Տիկնունիում, որոնք կենտրոնացված էին ամրոցի ենթադրվող մուտքի հարավային կողմի հրվանդան կազմող հատվածում ի հայտ բերեցին ընակելի մի կառույցի հարավային (1,1 մ × 0,42 մ ×

<sup>25</sup> Извлечения из Тарих и Джехангута Ала-Ад-джа Джувейти (ТМИТТ I, 1939, с. 491).

<sup>26</sup> Путешествия Рубрука и Плано Карпини в Восточные страны. М., 1957, с. 58.

<sup>27</sup> Ա. Ժամկոչյան, նշվ. աշխ., էջ 126, 2. Պետրոսյան, նշվ. հոդվ., նկ. 1, 2.

<sup>28</sup> Նման արձանագրություններ հանդիպում են նույն ժամանակաշրջանի խցեղեն նմուշներում (տե՛ս Т. В. Скоробогатова, նշվ. աշխ., էջ 98, Н. Н. Вактурская. Классификация средневековой керамики Хорезма IX—XVIII вв. (Труды Хорезмской археологическо-этнографической экспедиции, т. IV, Ташкент, 1959, рис. 34, 35): П. Агапов, М. Кадырбаев, Сокровища древнего Казахстана, Алма-Ата, 1979, к. 193, рис. 10—11.

$\times 0,30$  մ) և արևմտյան պատերը ( $1,68$  մ  $\times 0,69$  մ  $\times 0,20$  մ), թրժած աղյուսաշար մի հատակ՝  $6,5$  մ  $\times 5,5$  մ չափերով, ջրատար խողովակ, պատուհանի բաղնիքային ապակիներ, սյան խարիսխ, թրժած աղյուսներով շարված երկշար սուֆա, ինչպես նաև  $0,62$  մ տրամագծով,  $0,25$  մ խորությամբ մի թոնիր։ Այս բոլորն, իհարկե, հատակագծային ամբողջություն չկազմեցին, բայց նախապես կարելի է բացված համարել աշխարհիկ ինչ-որ շինության հանդիսավոր բնույթի գարգարուն դահլիճներից մեկը։

Դրանով պիտի բացատրել շքաղյուսների և սուֆայի առկայությունը։ Սուֆաները Միջին Ասիայի<sup>29</sup>, Մերձավոր արևելքի և մերձվրդյան երկրների բաղնիքային ունեոր խավի բնակարանների կարևոր կահավորանքներից էին<sup>30</sup>։

Այսպիսով, Տիկնունի ամրոցի վերին շերտերից հայտնաբերված շինարարական խեցեղենի բնույթները պարզում է հուշարձանի բնակեցման վերին ժամանակագրական սահմանը (XIII—XIV դդ. հետմոնղոլական շրջան) և նյութական մշակույթի բնույթը, որը շատ կարևոր է հայ ժողովրդի պատմության համեմատաբար քիչ ուսումնասիրված ժամանակաշրջանի տարբեր հարյուրի լուսաբանման համար։

## ОБРАЗЦЫ АРХИТЕКТУРНОГО УБРАНСТВА ИЗ КРЕПОСТИ ТИКНУНИ

А. С. ЖАМКОЧЯН

### Р е з ю м е

В результате раскопок крепости Тикнуни в 1984 г. установлено, что крепость была обитаема в XIII—XIV вв., свидетельством чему является обнаружение в одном из парадных залов постройки, расположенной близ предполагаемого входа в крепость, а также скопления разнообразных изразцов. Последние, наряду с резным шtukом, в XIII—XIV вв. являлись широко распространенным средством оформления архитектурных интерьеров в Средней Азии, Золотой Орде, а также в Армении (Гарни, Ани, Амберд). Отражая эстетические вкусы эпохи, они обладали также характерными чертами местных культур.

## SAMPLES OF ARCHITECTURAL DECORATION FROM THE FORTRESS TIKNUNI

A. S. DZAMKUCHIAN

### S u m m a r y

In consequence of excavations of the fortress Tikhuni in 1984 it was ascertained, that the fortress was inhabited in XIII—XIV cc., evidence of which was the discovery in one of the front halls of the building, situated near the assumed enter of the fortress, as well as accumulations of different samples. The latters, with the carved things, in XIII—XIV cc. were largely wide-spread means of decoration of architectural interiors in Middle Asia, the Golden Horde, as well as in Armenia (Garni, Ani, Amberd). Expressing aesthetic taste of the epoch, they had also characteristic lines of local cultures.

<sup>29</sup> А. Ахраров, Л. Ремпель, Резной шtuk Афрасиаба IX—X вв., Ташкент, 1971, с. 56.

<sup>30</sup> Г. А. Феодоров-Давыдов, Новый Сарай по раскопкам в 1963—1964, (СА, 1966, № 2, с. 239). Դա կարելի է բացատրել այն հանգամանով, որ նոր Սարայի պեղումների ժամանակ սուֆան իսպառ բացակայում էր շարքային բնակիչների բաղնիքներում։